



Icyegeranyo cy'amakuru y'imikino yaranze icyumweru

2023

Taliki 06-08 Ukwakira



P.1 Volleyball : Habaye amahugurwa y'abatoza 53

Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Volleyball : Habaye amahugurwa y'abatoza 53

Taliki 06 kugeza 08 Ukwakira 2023 habaye amahugurwa y'urwego rwa mbere y'abatoza 53 azafasha mu kuzamura uyu mukino bihereye mu mashuri.

Aya mahugurwa yateguve n'ishyirahamwe ry'umukino wa Volleyball mu Rwanda "FRVB" akaba yaratanzwe n'umutoza mukuru w'ikipe y'ighugu, Paulo De Tarso Milagres afatanyije na Ntawangundi Dominique.

Aba batoza bitabiriye aya mahugurwa bahawe ubumenyi bugiye kubafasha mu guteza imbere umukino wa Volleyball bahereye mu bakiri bato cyane cyane mu mashuri.



Kung Fu Wushu : Hatangiye imikino y'ijonjora muri shampiyona y'ighugu

Taliki 08 Ukwakira 2023 muri Maison des Jeunes Kimisagara hatangirijwe imikino y'ijonjora ryibanze muri shampiyona y'ighugu mu mukino njyarugamba wa Kung Fu Wushu "Rwanda Kung Fu Wushu Championship 2023".

Iri rushanwa ryahuje amakipe 11 yo mu mujyi wa Kigali. Abarushanyijwe bahatanye mu byiciro 2 birimo kwiyereka "Taolu" ndetse no kurwana "Sanda". Abakinnyi 24 ni bo bitabiriye.

Muri "Taolu" hazamutse abakobwa 2 n'abahungu 2 naho muri "Sanda" hazamuka abahungu 6.

Taliki ya 15 Ukwakira 2023 aya marushanwa azakomereza mu Ntara y'Uburengerazuba mu Karere ka Rubavu. Taliki ya 22 Ukwakira 2023 aya marushanwa azakomereza mu Ntara y'Amajyepfo mu Karere ka Muhanga. Taliki ya 29 Ukwakira 2023 amarushanwa azakomereza mu Ntara y'Uburasirazuba mu Karere ka Nyagatare naho amarushanwa y'amajonjora azasorezwa mu Ntara y'Amajyaruguru mu Karere ka Gicumbi, taliki 05 Ugushyingo 2023.

Imikino yo gusoza shampiyona y'ighugu izahuza abitwaye neza mu Ntara zose izabera i Kigali taliki ya 12 Ugushyingo 2023 muri STECOL..



Ibirimo

P1

Volleyball : Habaye amahugurwa y'abatoza 53

P1

Kung Fu Wushu : Hatangiye imikino y'ijonjora muri shampiyona y'igihugu

P2

Cycling : Niyonkuru yasoreje ku mwanya wa 3 muri "Grand Prix Chantal Biya 2023"

P2

Sitball : Habaye imikino y'umunsi wa mbere wa shampiyona

P3

Swimming : Hatoranyijwe abazahagarira u Rwanda mu mikino y'Akarere ka 3

Cycling : Niyonkuru yasoreje ku mwanya wa 3 muri "Grand Prix Chantal Biya 2023"

Taliki 03 kugeza 07 Ukwakira 2023 muri Cameroun habereye isiganwa mpuzamahanga mu mukino w'amagare "Grand Prix Chantal Biya 2023".

Iri rushanwa ryari ribaye ku nshuro ya 23 ryegukanwe na Hamza Yacine ukomoka muri Algeria aho mu ntera 5 zireshya na kilometero 593.6 yakoresheje amasaha 13, iminota 43 n'amasegonda 57, ku mwanya wa kabiri haje Khafi Oussama wo muri Maroc naho ku mwanya wa 3 haza Niyonkuru Samuel ukinira ikipe y'u Rwanda, aba bombi bakoresheje ibihe bingana n'iby'uwa mbere.

Abandi bakinnyi b'u Rwanda imyanya basorejeho

Muhiza Eric yasoreje ku mwanya wa 16, Mugisha Moise (21), Byukusenge Patrick (27), Tuyisezere Etienne (30) na Manizabayo Eric (33).

Muri iri siganwa, Niyonkuru Samuel yitwaye neza yegukana intera ya 3 yavaga ahitwa Ebolowa yerekeza Mengong. Yaje ku mwanya wa mbere kandi mu bakiri bato.

Byukusenge Patrick ni we waje ku mwanya wa mbere mu barushije abandi ahamanuka " Best Climber".

Iri siganwa ryari ryitabiriwe n'abakinnyi 59 baturutse mu makipe 10. Abakinnyi 55 ni bo babashije gusoza. Ikipe ya Maroc yegukanye umwanya wa mbere ikurikirwa na Algeria naho u Rwanda ruza ku mwanya wa 3.



Sitball : Habaye imikino y'umunsi wa mbere wa shampiyona

Taliki 07 Ukwakira 2023 habaye imikino y'umunsi wa mbere wa shampiyona ya Sitball "Sitball Championship 2023-2024" mu bagabo n'abagore . Iyi mikino yabereye mu turere 5 dutandukanye turimo Nyarugenge, Gisagara, Gicumbi, Rubavu na Nyagatare. Mu bagabo hitabiriye amakipe 18 naho mu bagore ni 21.

Uko imikino yagenze

Mu bagabo

- Ruhango **31-18** Nyamagabe
- UR Huye **32-31** Nyaruguru
- Rulindo **36-22** CAVM
- Bugesera **32 - 19** Kicukiro
- Kamonyi **38 - 13** Nyarugenge
- Gisagara **36-16** Nyamagabe
- Nyaruguru **21-26** Ruhango
- Musanze **34-21** CAVM
- Musanze **33-18** Rulindo
- Gisagara **32-22** UR Huye
- UR Huye **13-32** Ruhango
- Nyaruguru **21-13** Nyamagabe
- Kicukiro **27-13** nyarugenge
- Gasabo **27-25** Kamonyi
- Gisagara **31-12** Ruhango
- Nyamagabe **27-31** UR Huye
- Gisagara **30-21** Nyaruguru

Mu Bagore

- Gicumbi **32-18** Gakenke
- UR Huye **26-21** Ruhango
- UR Huye **27-23** Nyanza
- Ruhango **18-15** Nyanza
- Musanze **34-17** Gakenke
- Muhanga **25 - 15** UR Huye
- Musanze **31-15** Gicumbi
- Ruhango **9 - 24** Muhanga
- Nyanza **19-16** Muhanga



Swimming : Hatoranyijwe abazahagarira u Rwanda mu mikino y'Akarere ka 3


Taliki 07 Ukwakira 2023 muri Green Hills Academy i Nyarutarama habereye ijonjora rya nyuma ryo gutoranya abakinni bazahagararira u Rwanda mu mikino y'Akarere ka 3 "Africa Aquatics Zone 3" izabera mu Rwanda taliki 21 kugeza 27 Ugushyingo 2023.

Iri jonjora rya nyuma ryari ryitabiriwe n'abakinni 88 barimo 58 mu bahungu na 30 mu bakobwa bari baturutse muri 10 nyuma hatoranywamo 30 akaba ari bo baserukira igihugu. Aya makipe ni Aquawave SC, CSK, CS Karongi, Rwamagana Canoe and Aquatics Sports, Gisenyi Beach Boys, Rubavu SC, VJN , Rwersero SC na Mako Sharks SC.

Nyuma yo gutoranya aba bakinni, biteganyijwe ko mu minsi ya vuba bazatangira umwiherero i Nyamata mu Karere ka Bugesera.

Iri rusanwa ry'Akarere ka 3 rizabera mu Rwanda ubusanzwe rihuza ibihugu 12 ari byo Uganda, Ethiopia, u Burundi, u Rwanda, Kenya, Sudani y'Epfo, Tanzania, Uganda, Sudani, Eritrea, Djibouti na Afurika y'Epfo. ubwo riheruka ryabereye i Dar es Salaam muri Tanzania aho u Rwanda rwahagarariwe n'abakinni batanu barimo Dusabe Claude, Iradukunda Eric, Maniraguha Eloi, Nyirabyenda Neema, Ishimwe Claudette na Niyomugabo Jackson nk'umutoza. Muri iyi mikino, u Rwanda rwegukanye imidali itanu mu cyiciro cyo koga mu mazi magari "Open Water".

Muri 2016 ni bwo iri rushanwa ryaherukaga kubera mu Rwanda aho ryabereye mu Karere ka Bugesera.





Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org | @RwandaOlympic

Address: Remera-Hallmark Center Building KG 17 Ave